

ԵՂՎԱՐԴԻ ԱՍՏՎԱԾԱԾԻՆ ԵԿԵՂԵՑՈՒ ՀԱԽՃԱՍԱԼԵՐԸ

1969 թ. ՀՍՍՀ պետշինի հուշարձանների վերականգնման հատուկ գիտա-արտադրական արվեստանոցը վերականգնման աշխատանքներ էր կատարում Աշտարակի շրջանի Ծղվարդ գյուղի Աստվածածին կրկնահարկ եկեղեցում¹։ Այդ տաճարի խտրված գմբեթն ամրացնելու համար անհրաժեշտ էր իջեցնել սյունազարդ գմբեթի քարերը և նորից վերաշարել։ Իջեցման աշխատանքների ժամանակ, նախօրոք հանվեցին վեղարի տակ, թմրուկի վերին շարքի քարերի մեջ տեղադրված հախճասալերը, որոնք ժամանակի ընթացքում քայքայվել էին, իսկ մի մասը՝ կրապատվել։ Ներկայումս դրանք ամրացվելուց և մաքրվելուց հետո պահվում են արվեստանոցի որմնանկարների վերականգնման աշխատանոցում։

Ծղվարդի հախճասալերը մինչև այժմ գրեթե ծանոթ չեն եղել ուսումնասիրողներին։ Դա բացատրվում է սալերի դժվարամատչելի տեղում գտնվելու հանգամանքով (մոտ 20—25 մ բարձրության վրա)։

Գ. Հովսեփյանը, Աղիգրեկենց տոհմին նվիրված իր աշխատության մեջ², շատ թուուցիկ անդրադարձել է հախճասալերին և ընդհանուր գծերով տվել նրանց բնութագիրը։

Աստվածածին եկեղեցու այդ գոտու վրա եղել են տարբեր տեսակի 52 հախճասալ (քառակուսի, աստղաձև և բազմանիստ)։ Ներկայումս մնացել են ընդամենը 7 հատ ամբողջական և մեկ հատ կտրված քառակուսի սալիկ, մեկ հատ էլ՝ բազ-

մանիստ։ Վերջերս տեղեկացանք, որ երկու հախճասալ (քառակուսի և աստղաձև) Հայաստանի պատմության պետական թանգարան է հանձնվել Ծղվարդ գյուղի բնակիչների կողմից (ՊՊԹ 2381)։ Այսպիսով 52 հախճասալերից պահպանվել է ընդամենը 11 հատ (թերի և ամբողջական)։

Հախճասալերը հանելու ժամանակ նկատվեց, որ գոտին կազմված է եղել 4-ական սալիկներով՝ 13 անգամ կրկնվող հատվածներից, որոնցից իննուսեռ սալիկներն ունեցել են հետևյալ դասավորությունը՝ քառակուսի, բազմանիստ, քառակուսի, աստղաձև, իսկ հաջորդ չորսում՝ քառակուսի, աստղաձև, քառակուսի, բազմանիստ (նկ. 1)։ Սալերը հանելու ժամանակ արևելյան կողմում պայմանականորեն ընտրվեց մի հատված և համարակալվեց։ Ստացվեց պահպանված սալերի հետևյալ պատկերը։

Տեղում էին.

- 1-ին հատվածի 1-ին սալը,
- 2-րդ հատվածի 3-րդ սալի բեկորը,
- 5-րդ հատվածի 3-րդ սալը,
- 11-րդ հատվածի 3-րդ սալը,
- 12-րդ հատվածի 1-ին, 3-րդ և 4-րդ սալերը,
- 13-րդ հատվածի 1-ին (մանր փշրանքներ) և 3-րդ սալերը։

Ըստ ձևի, բովանդակության, զեղարվեստական առանձնահատկությունների, հախճասալերը բաժանվում են 3 խմբի։

Առաջին խմբի մեջ են մտնում գրեթե քառակուսի սալերը 29,0—29,5 սմ երկարությամբ, 29,0—30,0 սմ լայնությամբ և 1,5—2,0 սմ հաստությամբ (նկ. 2, վերին շրջան)։


Սալերը ճոխ հարդարված են բուսական, կենդանական և երկրաչափական զարդերով։ Ընդ որում, զարդերի տեղադրությամբ և չափերի համամասնությամբ նրանք կրկնվում են։ Վերին մասով անցնում է 8,0 սմ լայնությամբ մի գոտի՝ ոճավորված արմավենազարդով։ Մնացած արտաքին մակերեսը սրածայր, 5,0 սմ լայնությամբ խորանանման գոտիով բաժանված է 3 հատվածի։ Ստորին մասում նույնպես պատկերված է ճյուղերով և տերևներով խիստ ոճավորված արմավենազարդը։ Գոտու աջ և ձախ մասերում պատկերված են ծառի ճյուղեր, որտեղ

¹ Եկեղեցին կառուցվել է XIV դ. սկզբում։ Ուսումնասիրողների մի մասն այն թվագրում է 1321 թ., հենվելով դրան վերնասալի ծաղկազիր թվականի՝ Հ. Շահխաթունյանի կատարած սխալ վերծանության վրա (տե՛ս նրա «Ստորագրություն կաթողիկեի և հինգ գաւառացն Արարատայ», հատ. Բ, էջմիածին, 1842, էջ 126)։ Գ. Հովսեփյանը իրավացի կերպով եկեղեցին թվագրում է 90 (1301) թվականով (տե՛ս Աղիգրեկենց և Նըրանց շինարարական գործը, «Բանբեր Հայաստանի գիտական ինստիտուտի», գիրք Ա և Բ, 1921—1922, Վաղարշապատ, էջ 182)։

² Գ. Հովսեփյան, Աղիգրեկենց և նրանց շինարարական գործը, էջ 186։

տերևներին փոխարինում են կենդանիների զլուխներ, Ձախ մասում՝ նապաստակ, երկու ընձառյուծ, դալլ, քարայծ, ավանակ և օձ, աջ մասում՝ երկու նապաստակ, օձ, եղջերու, երկու ընձառյուծ, քարայծ, Միայն մեկ հախճապակի վրա օձի փոխարեն պատկերված է կարապ:

Խորանանման գոտու մեջ զետեղված են պարսկերեն արձանագրություններ³, որոնք հատվածներ են Ֆիրդուսու «Շահ-Նամեից»: Մալերի ստորին մասով անցնում է փորրիկ մի գոտի, որն ունի XIII դարին բնորոշ պարսկական զծաղարդումներ:



Նկ. 1

Այս խմբի հախճապակիների ընդհանուր ֆոնը կա՛մ մուգ դարչնագույն է, կա՛մ դեղնավուն: Բոլոր դարդերը (կենդանական, բուսական և երկրաչափական), ինչպես նաև արձանագրությունները քիչ ուռուցիկ են՝ շքադյուսների պատրաստման մի եղանակ, որն ընդունված էր Պարսկաստանում XIII—XIV դդ. սահմանադիրներին:

Այստեղ բնորոշն այն է, որ ուռուցիկ հիմքի վրա նկարված կենդանական ու բուսական պատկերների արձանագրությունների ոճը մոտ է պարսկական մանրանկարչության ոճին:

Արձանագրությունները, գոտիների եզրերը գունազարդված են կորալափ (կապտավուն գույնի): Կապտագույն առանձին ցայտեր նկատվում են նկարի որոշ մասերում: Հախճապակիների ջնարակման մեջ բաց գույների (սպիտակ) համար լայն չափով կիրառվել է կապարը: Մյուս գույների բացակայությունը բացատրվում է, հավանաբար, ենթադրաբար նկարադարձման համար դրանց վատ դիմացկունությամբ:

Վերոհիշյալ սալերը կարելի է վերագրել պարսկական շողյուն խեցեղենի դասական օրինակներին: Ինչպես բոլոր այլ նմուշներում, այնպես էլ այստեղ կենդանիների պատկերումը ունի իր

էպիկական հիմքերը և կապված է պարսկական դիցաբանության այս կամ այն երևույթի հետ: Բոլոր հախճապակիները ետևի կողմից սև ներկով համարակալված են (նկ. 3): Որոշ տեղերում կան ջնջումներ և ուղղումներ: Պետք է ասել, որ սալերի համարակալումը, ինչպես կտեսնենք ստորև, չի համապատասխանում եկեղեցու վրա նրանց ունեցած դասավորությանը:

Նշված զարդամոտիվներով քառակուսի հախճապակիներ, ինչպես ասացինք, թվագրվում են XIII դարով, գուցե և XIV դարի սկզբով: Այս թվագրության օգտին են խոսում լուսլի թանգարանում պահվող խաչաձև և աստղաձև հախճապակիներ, որոնց վրա նույն ոճով պատկերված են եղնիկներ, ընձառյուծներ, նապաստակներ, թռչուններ և որոնք պատրաստման տարեթվերի վերաբերյալ ստույգ տվյալներ ունեն:

Հախճապակիի զարդամոտիվները սերտորեն առնչվում են նույն դարաշրջանի խեցեղենի դարձամոտիվների հետ: Փայտակարանի (Պրեն-կալայի) XIII դարով թվագրվող մի թասի և Թեհրանի թանգարանում պահվող մի սկուտեղի եղջերին պատկերված ընձառյուծը կատարման ոճով հար և նման է Եղվարդի սալերի վրա պատկերված ընձառյուծներին⁷: Ժենեի թանգարանում պահվող հախճապակյա կճուճի վրա կան մեծ սալերի վրա պատկերված գրեթե բոլոր կենդանիները⁸:

Եղվարդի հախճապակիին խիստ նման մեկ օրինակ պահվում է Բրիտանական թանգարանի Գողմանի ժողովածուում և թվագրվում է XIII դարով⁹: Գյուլզայանը, որը վերծանել է հախճապակի վրայի արձանագրությունը (նույնպես հատված «Շահ-Նամեից»), չի բացառում այն հանգամանքը, որ այն կարող է թվագրվել ավելի վաղ ժամանակով¹⁰:

5 Сел. Н. А. Орбелли, Бахрам Гур. «Избранные труды», էջ 550:

6 M. Bahrami, La reconstruction des carreaux de Damghane d'après leurs inscriptions, III международный конгресс по иранскому искусству и археологии, М.—Л. 1939, աղ. XV:

7 Sept mille ans d'Art en Iran, Paris, 1962, նկ. 1033:


8 A. U. Pope, Suggestions towards the identification of Medieval Iranian faience, III межд. конгресс... էջ 166, աղ. LXXII:

9 H. Wallis, Persian ceramic art. London, 1894, էջ XXVI, նկ. 11:

10 Л. Т. Гюзальян, Фризковые изразцы XIII в. с поэтическими фрагментами, «Эпиграфика Востока», 1949, № 3.

³ Հախճապակիի արձանագրությունները վերծանել է Իրանագետ Լևոն Գյուլզայանը:

⁴ Н. А. Орбелли, Мусульманские изразцы, «Избранные труды», Ереван, 1963, 267:




Երկրորդ խումբը ներկայացված է միայն մեկ հախճապով (նկ. 2, ստորին ձախը, երկարությունը՝ 35,5 սմ, լայնությունը՝ 27,5 սմ, հաստությունը՝ 2,0 սմ)։ Ստորին մասում սալը կոտրված է և անհնարին է խոսել ստորին գոտու մասին։ Վերին գոտին կազմված է նույն ուռուցիկ, ոճավորված արմավենազարդից, ինչ որ կար նախորդ սալերի վրա։ Այս հանգամանքը վերըստին ապացուցում է, որ հախճապները պատրաստվել են միևնույն տեղում և նույն դպրոցի արհեստին են։ Հախճապի մնացած ողջ մակերեսը հարթ է, ունի մուգ դարչնագույն ոսկիփայլ ֆոն, որը նկարագրված է բուսական ճոխ զարդերով (շիվեր, տերևներ, ծաղիկներ)։ Այս ընդհանուր ֆոնի վրա պատկերված են մի նապաստակ և երկու աղվես (մեկի տեղը չարզված է)։ Բոլոր զարդերը սպիտակավուն են, տեղ-տեղ կապտավուն ցայտերով։ Գոտուց ներքև, ողջ մակերեսով անցնում է ուռուցիկ արձանագրություն (նորիզոնական գծով), որը զուսկանագրված է կորալտով։ Այս հախճապի ետևի կողմում նույնպես սև գույնով արված արձանագրություն կա։

2. Օրբելին այս եղանակով պատրաստված հախճապները թվագրում է XIV դարի սկզբով¹¹։ Նյու-Յորքի Սանգարանի Իրանի բաժնում ցուցադրված է նույնատիպ մի հախճապ, որի վրա կա թվականը՝ XIII դար¹²։ Ուսումնասիրողների մեկ այլ խումբ ավելի է կոնկրետացնում, դրանք վերագրելով XIII դարի II քառորդին¹³։

Ներքոյ խումբը ևս ներկայացված է ընդամենը մեկ հախճապով, որն ունի ութանկյուն աստղի ձև (նկ. 2, ստորին աջը)։ Սալի գույների համակարգը բաց և մուգ կորալտն է, միախառնված ոսկեգույն շողունի հետ։ Սալիկի կենտրոնում պատկերված է ձկներով լճակ։ Մայր գետնից բարձրանում է ոճավորված մի ծառ, որն ունի լայն տերևներ և ավարտուն պսակներով կազմված ծաղիկներ, որոնք ամբողջությամբ վերցված են կորալտի ուրվագծերի մեջ։ Մառի երկու կողմերում պատկերված են ծաղիկներով շրջապատված երկու սոխակ։ Հախճապի թևերի եզրերին, սպիտակ անագագույն ֆոնի վրա սև տառերով գրված է պարսկերեն արձանագրություն։

Ի տարբերություն նախորդ հախճապների, աստղաձև սալիկի արտաքին մակերեսը լրիվ

հարթ է։ Նման հախճապները լայն տարածում ունեին Պարսկաստանում XII—XIII դդ.։ Պետք է ասել, որ նրանց մեծ մասը իրենց վրա կրում է թվակիր արձանագրություններ։ Այս սալիկը, հավանաբար, պատկանել է Քաշանյան խեցեղորձների Դամղանյան դպրոցին¹⁴, որին խիստ բնո-



Նկ. 3

րոշ է ձկներով արհեստական լճակների պատկերումը՝ բուսական զարդերով միահյուսված։ Նույնատիպ հախճապներ պահպանվել են Խանեկի Փիր-Հուսեյնի դամբարանի վրա, որոնք ստույգ թվականներ ունեն¹⁵։

Չորրորդ խմբի բազմաթիվ հախճապներ, որից միայն մեկ օրինակ է պահպանվել (զբաղում է նշվարդում), միագույն են (կապտականաչավուն) և զուրկ նախազարդումից։

Հախճապների օգտագործումը ճարտարապետական կոթողների վրա հայ իրականության մեջ եզակի երևույթ չէ։ Մեզ հայտնի է, որ Դվինի, Անիի և Գառնիի մասնավորապես աշխարհիկ շինություններում հախճապները կիրառվել են զուտ դեկորատիվ նշանակությամբ։ Տուֆի և հախճապակու համադրում է նկատվում Դվինի սենյակներից մեկի խորանի վրա։ Ընդհանրապես հախճապների օգտագործումը որպես հարանքի միջոց նկատվում է հայկական մի շարք հուշարձաններում։ Օրինակ, Եղեգնաձորի շրջանի Սպիտակավոր եկեղեցու (XIV դ. սկիզբ) թեմբուկի վրա, վերևից երկրորդ շարքի քարերի մեջ փորագրված և գրված են եղել ութնական աստղաձև հախճապներ (թվով 10 հատ), որոնք

¹¹ Н. А. Орбели, Мусульманские изразцы, էջ 267.

¹² Sept mille ans d'Art en Iran, նկ 995.

¹³ A. U. Pope, A survey of persian art, vol. V, London and New-York, 1939, աղ. 725 A.

¹⁴ A. U. Pope, Suggestions towards the identification of Medieval Iranian faience, աղ. LXX, LXXVIII.

¹⁵ В. А. Крачковская, Изразцы мавзолея Пир Хусейна, Тбилиси, 1946, աղ. XXIV.

Ներկայումս չեն պահպանվել: Սալերի օդոտադործման փայլուն օրինակ է հանդիսանում Իջևանի շրջանի Կիրանց վանքի (XIV դ.) մեծ եկեղեցու թմբուկի հարդարանքը: Այստեղ լուսամուտների շրջապատը վերցված է հախճապակի կապտավուն սալերից կաղաված խճանրկարի մեջ, իսկ թմբուկի ստորին և վերին մասերը գոտկված են բառակուսի միադույն սալերով:

Նղվարդի հախճապակի թվագրումը XIII—XIV դդ. ոչ մի կասկած չի հարուցում: Կարևոր է որոշել այն հարցը, թե երբ են սալերը դրվել եկեղեցու վրա: Տեղում կատարված մանրակրկիտ զննությունը ցույց տվեց, որ սալերը դմրիթի բարերի մեջ ապուցվել են ոչ թե տաճարի շինության ժամանակ՝ 1301 թ., այլ հետագայում: Նախ, սալիկները հագցնելու համար արված փորվածքները կատարված են խիստ անփույթ: Ամրացնող նյութը, շաղախը, տարբերվում է բուն եկեղեցու շաղախից և շատ ցածր է իր որակով: Սալերի տակ պահպանվել են նա-

խորդ շաղախի հետքերը, որը շատ աժուր է: Եվ, ամենակարևոր հանգամանքը, սալերի ետևի համարակալումները չեն համապատասխանում եկեղեցու վրա ունեցած դիրքին: Օրինակ՝ 44—47 համարներում բացակայում է 45 համարը: Ըստ երևույթին, այդ սալիկները դրված են եղել ինչ-որ մի ուրիշ շինության վրա խիստ լամպրակալումով:

Արդ, ե՞րբ կարող էին սալերը ուրիշ տեղից բերվել և ագուցվել եկեղեցու քարերի մեջ: Շատ հավանական է, որ դա կատարվել է XVI դարում, եկեղեցու վերանորոգման ժամանակ: Եկեղեցու հարավային պատի (1-ին հարկ) վրա պահպանվել է մի արձանագրություն, հետևյալ բովանդակությամբ. ԵՍ ՄՈՎՍԵՍԻ ՈՐԴԻ ԳՐԻԴՈՐՆ (ՍԱՐԳԻՍՆ) ԹՎ.ԹՃՂԴ (1745) ՎԵՐՍՏԻՆ ՆՈՐՈԳԵՑ:

Նղվարդի հախճապակի կարևոր են ներմուծված պարսկական խեցեղենի ուսումնասիրությունը համար:

Ս. ԺԱՄԿՈՉՅԱՆ, Ա. ՔԱՆԱԹԱՐՅԱՆ

ՈՒՇ ԲՐՈՆԶԵԴԱՐՅԱՆ ԴԱՄԲԱՐԱՆ ԿԻՐՈՎԱԿԱՆԻ «ԴԻՄԱՑ» ԹԱՂԱՄԱՍՈՒՄ

«Դիմաց» թաղը գտնվում է Կիրովական քաղաքի արևելյան մասում, Տանձուտ գետի աջ ափին: Այն տափարակ, անկանոն ձևի, դեպի քաղաքը թույլ թերթիկաձև մի բարձունք է: Այստեղ 1966 թ. Հայէկեկտրալույսի Կիրովականի մասնաճյուղի շինարարական աշխատանքների ժամանակ բացվեցին մի շարք ուշ բրոնզեդարյան դամբարաններ:

Հայտնաբերված նյութերով հատկապես ուշագրավ է № 1 դամբարանը, որի ուսումնասիրությունն է նվիրված ներկա հոդվածը:

Դամբարանը բառակալումն էր, ծածկված երկու բաղադրյալ տալաբարերով: Նրա երեք կողմերը կազմում էին մեկական ամբողջական սալեր, իսկ արևելյան կողմը, որը համանաբար որպես մուտք է ծառայել, շարված էր միջին մեծությամբ ունեցող չորս քարերով: Դամբարանն ուղղված էր արևելքից արևմուտք, երկարությունը՝ 1,2 մ, լայնությունը՝ 0,7 մ, խորությունը՝ 0,7 մ: Գեղման ընթացքում հայտնաբերվեցին մեծ քանակությամբ խեցեղեն և մետաղե իրեր: Ննջեցյալի ոսկորները չափազանց վատ էին պահպանված և հնարավոր չեղավ որոշել նրա դիրքը դամբարանում: Մարդու ոսկորների հետ գտնվեցին նաև ձիու ստորին ծնոտ և խոշոր եղջերավոր կենդանիների ոսկորներ:

Դամբարանում հայտնաբերվեցին բրոնզե դաշույններ, գույզ, կոճակ, ապարանջան, օրսի-

դաքարե նետասլաքներ, տարբեր տեսակի ուլունքներ և խեցեղեն:

Հայտնաբերված դաշույններից մեկը մեծ է (Կիրովականի երկրագիտական թանգարան, № 441/30): Ունի երկարավուն, եռանկյունաձև, սուր ծայրով ավարտվող շեղք, որի մեջքը շեղված է ցցուն, տափակ երակով (նկ. 1, աջից): Շեղքի հիմքում կա բրոնզե պահուսակ, դամբարի համար բացված երկշարք կլոր անցքերով: Դաշույնի փայտե կոթը մտնում էր շեղքի հետ միաձուլվելով լեզվակի մեջ, որը ծայրին անցք ուներ, փայտե կոթի հետ դամբարի ամրացվելու համար: Դաշույնի շեղքի երկարությունը 15,5 սմ է, լայնությունը՝ հիմքի մոտ՝ 4 սմ, լեզվակի երկարությունը՝ 3 սմ, լայնությունը՝ 1,5 սմ: Այն ձուլվել է և ապա ամրություն տալու նպատակով ենթարկվել սառը կռման, որի հետքերն ակնհայտ են: Դաշույնի հետ հայտնաբերվել է նաև նրա կռնածն ցանցկեն գլխիկը (նկ. 1, աջից վերևում), որի անցքերն ընդելուզված են փայտով:

Գոտեկապ, շարժական ցանցկեն գլխիկով դաշույնները գիտական զբաղակալության մեջ հայտնի են որպես սևան-դարարադյան տիպ: Գրանք լայն տարածում են ստացել հատկապես մ. թ. ա. X—IX դդ., հարատևելով մինչև վաղ ուրարտական շրջանը: Կիրովականի «Դիմաց»

1 Այսուհետև՝ ԿԵԹ: